

十朝东华录

嘉庆朝

第七

函

函

册

秋七月乙亥朔再撥京倉米二千四百石展賑宛平縣災民○丙子

上步詣

社稷壇詣廟

吳慈光等奏職疑白晝賊首王鎮

賢得旨嘉獎○庚辰諭此案楊文仲強姦總麻服弔楊文榜之妻黃氏不從將黃氏截傷身死刑部因例無明文即照凡人強姦本婦立時殺死例定擬斬決但思該犯與楊文榜係總麻兄弟若同凡人一律定擬未免無所區別楊文仲者即處斬梟示以昭炯戒

並載入刑部則例○壬午以銜齡為江西按察使

由鹽道遷

○癸未諭初彭齡奏委伊桑阿在黔省巡撫任內屬鞫勒索各款一摺伊桑

阿前任山西巡撫時即有斥督屬員之事是以伊丁憂回京後 皇考不復任以封疆因其向無賄私劣蹟未予罷斥 命往新疆辦事上年朕加恩更換回京念其在新疆辦事有年尚無貽誤擬任刑部侍郎屢次召見伊亦自認從前仕性蠢愚頗知改悔詞色

諛懇似出真情朕以伊年齒增長且經此番磨鍊自應變化氣質適貴州巡撫缺出即加簡放初不料其甫經在任故態復萌實出情理之外本年夏間伊桑阿辦理石硯苗匪一案據奏將黔楚首夥要犯全行擒獲甚為迅速當即降旨將伊桑阿交部從優議敘

並特加恩賞嗣環珥自滇到黔又復集兵進剿將上潮下潮逆巢掃蕩全境肅清彼時朕猶以環珥迹涉邀功不復予以甄敘近日風聞伊桑阿剿辦苗匪僅在銅仁駐紮並未親至石硯軍營聞知環珥起身前來即將常明等攻克石硯作為親身前往裝點入奏

環珥由鎮遠赴銅仁途次難民紛紛擁道哭訴環珥復行帶兵進剿是伊桑阿前次所奏竟係粉飾虛詞業經降旨令環珥密行查奏如果屬實一面奏聞一面傳旨令伊桑阿來京候旨今據初彭齡所劾伊桑阿各款伊桑阿上年到黔沿途州縣供應不周即肆

口謾罵並有因州縣辦差排意即行撤回者又將黔撫衙門全行拆改添造並藉口扣繳資廉用度不足令各府幫貼等事是伊桑阿不但情性乖張毫無悔改而又加以縱恣勒索等事實屬負恩昧良試思黔撫衙署若果坍塌不能居住巡撫環珥到彼何以未

見拆蓋乃伊桑阿初到黔省即令府縣承辦添造房屋數十間用銀至六千餘兩之多並未發價非取之屬員而何至伊桑阿藉稱扣繳養廉令各府幫貼一節前此伊桑阿簡放巡撫時曾自請將養廉按年全行扣交朕恐其辦公竭蹶特加恩令其支領一半如

尚不敷用度不妨奏明另行加恩乃伊桑阿竟授意各府令其幫貼此與富綱之勒派屬員何異主管門家人索取屬員門包亦必

交伊收用伊桑阿一經到黔即如此任意苛索又何待將來營私賄賂貽累地方乎此而不嚴加懲治何以肅吏治而儆官邪伊桑

阿著革職拿問其雲南巡撫員缺著孫日秉調補即馳驛赴滇接印任事此案著交環珥會同孫日秉將初彭齡所劾各款提集應訊人證並見辦石硯苗匪節詞入奏一併秉公嚴審定擬具奏○以常明為貴州巡撫百齡為貴州布政使阿禮布為浙江按察使

由山東高

陳道遷

○甲申增建貴州石硯苗地磚卡設屯千總一員並置石硯汛撥松桃協守備上江協千總各一員兵三百名防守○召

高杞莫瞻聚同京命那彥寶巴雷阿堵築永定河漫口○撥廣東藩庫兩淮運庫銀各二十萬兩備陝西軍需○勒保奏督同阿哈保薛大烈痛剿徐逆各股生擒徐添壽王登高等得旨嘉獎賞還二品頂帶花翎○乙酉命濟京師護城河以工代賑○丙戌禁各

省官員私役違犯○己丑撥部庫及廣儲司庫銀各五十萬兩贖永定河工料○庚寅增右安門外賑米○壬辰撥內帑撥紫禁城內外及圓明園各河道○癸巳諭本年京師自六月初旬大雨連縣河水漲發直隸所屬各州縣民田廬舍多半被淹災稔示警朕心深為兢惕當即簡派卿員分路查勘諭令一面奏聞一面開賑節降諭旨分別蠲免錢糧截留漕米六十萬石動支庫項十萬兩交熊枚等酌量分撥急賑並於京城附近地方撥發銀錢米石設廠分給又令興工代賑以期安撫窮黎當此霍潦為災百姓流離失所嗷嗷待哺僅不立時降旨發帑開倉多方拯救其過在朕若既有銀米而地方官經理不善以致惠不逮民則咎在臣下矣本日九卿等議駁御史胡鈞瑨和靜條奏一摺胡鈞瑨則請令在京王大臣官員及各廟宇鋪戶等分養災民和靜則奏京師限定賑期贖論災民早回鄉里伊二人雖主見不同均以各州縣災黎來京就食者多饑饉過慮試思各州縣被災百姓如果紛紛赴京就賑必因州縣散賑或侵肥入己或假手吏胥從中冒濫有名無實致百姓不能存活棄家覓食否則人情莫不繫戀鄉土孰肯舍近圖遠假如京師辦賑並不認真則近者必致失所遠處災黎亦豈肯聞風踵至乎該御史等並未將如何辦賑之法悉心條奏其議均不可行和靜摺內詞意向無組織無庸置議至胡鈞瑨請將被水男婦發給京城內外廟宇及王公大臣官員鋪戶之殷實有力者如雇工之例各處分養則荒唐已甚此等被災男婦令其入廟居住必致男女溷淆若責令王公大臣官員等分撥養賑如雇工災民必不樂從難保無別滋事端且以待賑之民下僑廝僕與犯屬發給功臣之家為奴何異試問前代救荒之策有如此辦理者乎今該御史妄逞臆見以必不可行之事冒昧瀆陳本應照九卿所請交部議處念其究係官官若因所奏失當遽予處分恐有奏事之責者因此心生疑懼緘默不言但似此議見庸陋亦難勝臺諫之任胡鈞瑨不必交部議處著予退御史仍回本衙門以原官補用向來各部院衙門保送御史往往將年老才庸者列名塞責竟以風憲衙門為投閒置散之地殊屬非是各堂官於屬員中優等出色者自必留於本衙門辦事但亦應將才具稍次明白有識之員慎選保送豈可令衰庸之輩忝居言職致陳奏多屬不經嗣後各衙門保送御史務須認真遴選勿得率意充數自干濫舉之咎○諭熊枚見署督葉駐紮工次陳大文不日即可抵京熊枚俟陳大文接印後不必留工著即周歷直隸辦賑各地方詳細查勘如果地方官心實心辦賑民情肅帖者即將該州縣存記以備升調倘有玩視災務將賑餞銀米侵牟入己即當奏明正法即無侵牟之事或任聽吏胥中飽致小民不得實惠一經查訪得實亦應嚴參懲治此事專交熊枚查辦熊稍有徇隱各無旁貸○乙未賑賑五城災民一月○免順天府南河等四州縣額賦額州明年額賦十分之三直隸天津等二十四州縣額賦青縣等九州縣額賦十分之五○丙申撥廣東藩庫兩淮運庫銀各二十萬兩備四川軍需○戊戌予熱河被水災民口糧○撥山西藩庫銀六十萬兩山東河南藩庫銀各三十萬兩賑甘肅旱災○己亥調和甯為戶部左侍郎那彥為工部左侍郎高杞為兵部左侍郎○調蔣日綸為工部右侍郎管錢法堂事劉曜雲為工部左侍郎莫瞻菴為禮部左侍郎○辛丑命山東採買米麥十萬石河南採買小米五萬石備直隸明年平糶○壬寅展賑永定右安門外

便民一月○移陝西固原是督駐漢中府文協糧都司為城守設提標五營

八月丙午以初彭齡署吏部右侍郎○戊申 上御經筵○己酉諭前因風聞伊桑阿辦理石硯苗匪一案並未親到軍營督辦僅在銅仁駐紮將常明等以克石硯作為親身前往裝點入奏會降旨諭令現玠將伊桑阿辦理率率虛詞入奏之處據實查奏彼時伊桑阿在黔省巡撫任內驕縱勒索各款尚未覈露嗣據初彭齡參奏伊桑阿種種劣蹟大半係現玠告知之語復降旨交現玠會同孫曰秦嚴審定擬具奏乃本日現玠覆奏前次諭旨一摺不但未將伊桑阿劣蹟舉劾而於伊桑阿未曾親往石硯節詞具奏之處轉代為申說據稱伊桑阿因辦理苗匪難民督辦銅仁及將欲親往軍營而常明已將為首各犯擒獲伊桑阿即據以入奏並稱此事係伊桑阿節次督催俾得及早成功與有意欺飾者情稍有間是何言耶伊桑阿既駐紮銅仁辦理撫恤事宜未親親往石硯軍營即當據實奏明況石硯餘匪並未勒淨伊桑阿竟敢捏稱親往該處督辦將獲犯嚴事緣由徑行馳奏是伊桑阿欺飾之罪已屬百喙難辯而現玠又復代為隱飾此誠何心且伊桑阿在黔劣款前初彭齡參奏摺內據稱係現玠自銅仁回漢時在黔當地方與初彭齡會晤告知現玠既可告知僚友獨不可直陳於君上之前乎此案若非初彭齡據實奏聞則伊桑阿會費營私貽累地方現玠竟置之不顧以滿洲大臣且係貴羅又經朕詢問曾不若業經離任之漢巡撫尙能秉正不阿據實參奏乎看來現玠總因伊桑阿前在新疆時參奏伊家人私販玉石一事意存邀嫌開屬徇私代為容隱而潛內所種黨與懷懼等語皆係欺飾虛詞全不足信矣此次現玠如果將伊桑阿劣款及辦理苗案欺飾實情一一參劾則前此勒洗石硯苗寨後其攻克上潮下潮逆巢全境肅清皆屬現玠之功所有伊桑阿前得優敘朕必移給現玠今如此有心徇庇不但無功可錄並當立予罷斥姑從寬將現玠拔去花翎降為二品頂帶暫留雲貴總督之任仍著嚴行申飭以觀後效儻現玠於道審伊桑阿貪劣各款仍有不實不盡必當嚴加治罪不能再為寬貸也○撥部庫及兩淮銀一百五十萬兩於直隸備賑○撥湖南米三萬九千石備陝西軍需○癸丑緩徵長蘆鹽課十分之五及直隸河南各引地課銀○甲寅諭御史王蘇奏新放江蘇學政平恕請另行簡放或酌量改調一摺內稱平恕前在江蘇斥革生員多名人人切齒即商賈小民無不痛恨似平恕實有不法之處因令軍機大臣傳到王蘇詢以平恕有無別項劣蹟等語平令其據實直陳歷據王蘇登覆仍不過稱平恕辦理甄輔廷擅責生員一案眾心不服又稱平恕考試生童並無別項劣蹟等語平恕前在江蘇學政任內如果有賄賂生員去取不公等弊該御史當指明據實參奏朕必嚴為懲辦至其因甄輔廷案內斥革生員多名一事先經照部議議職今該御史以業經議結之案仍列彈章並稱或另請簡放或酌量更調試思平恕如不勝學政之任既不宜於江蘇豈復宜於他省若平日並無劣蹟此次復經節用益當顧惜聲名用息浮議固不肯苛刻以敘怨亦不應寬縱以沽名徇平恕約束士子仍不得當或另有案據亦何難將平恕罷斥治罪豈有國家簡任學臣因籍隸本省之御史撫拾前事一經劾奏即行更換是舉措之言路勢必如明季科道紛紛訐奏惡習成何政體乎所有江蘇學政仍著平恕去御史王蘇著交部議

處○釋遣成伊罕已革巡撫秦承恩命來京候旨○乙卯命竊賊辛酉工賑紀事○除浙江海島遷移民戶棄地額賦○丙辰撥江西藩庫銀三十萬兩備四川軍需○以多慶爲內閣學士由大興○丁巳命五城所屬災民向不列入大興宛平戶口冊者歸順天府一體予賑○額勒登保奏生擒首逆王士虎冉添潤等勒保奏七十五一路官兵在桑樹坪獲劉朝選弟劉清選湯恩蛟弟湯步武均得旨獎賞○戊午撥內庫銀一千兩分賞永定右安門外收養災民各廟僧道○庚申命採買奉天米石備直隸明年平糶○

甲子勒保奏分派鎮將戴勦高魏股匪生擒首逆冉學勝等得旨獎賞賞還一品頂帶封三等男爵○乙丑 李淑皇后升祔 奉先殿命 皇太子行禮○以三省大功將蔣徽盛京兵歸伍○已巳以汪日章爲江甯布政使由大理寺少卿奉○癸酉諭前據經略額勒

登保奏贊德榜奏先後奏倭什布在巡撫任內辦理糧餉種種貽誤以致官兵等勒索百姓搶掠糧食並聞於賑濟飢民一事張大其詞多有不實又補放官員有伊家人更辦事屬員通同舞弊各等語當經降旨將倭什布革職解回解京交軍機大臣會同刑部嚴訊倭什布逐條登答惟自認辦理不善其餘堅不承認是以節次降旨交吳熊光詳查具奏茲據吳熊光奏查明倭什布款項

一措朕詳加披閱如楚省兵丁追剿竄匪分合無定倭什布運送餉銀不能設法趕運積有尾欠其支給滿漢各營餉項並不照經略等酌定章程辦理所給未免浮多並於製備軍裝軍火等事不知緩急致形缺乏又上年倭什布奏報鄭縣難民二十餘萬內有各回本籍

民人並非全係待賑之人倭什布並不分別查察率行入奏實屬張大其詞以上各款尚無食婪飢法及縱容家人舞弊之處其經理軍需不能妥協以致多有貽誤並於飢民數目奏報不實自當治以應得之罪著軍機大臣會同刑部即查照吳熊光摺內所列

款蹟將倭什布按例定擬具奏尋議請將倭什布發往軍臺效力得旨賞倭什布七品筆帖式頂帶發交陸有仁令充當苦差○按江西廣東藩庫銀各二十萬兩備陝西軍需○子故休致刑部尚書梁貴堂祭

九月乙亥朔召達慶來京調和甯爲倉場侍郎英和爲戶部左侍郎扎那阿爲禮部左侍郎以恩普爲禮部右侍郎由左副都御史遷○甲

申 上閱健銳營兵○左都御史馮光熊奏予祭○以熊枚爲左都御史轉祖之望爲刑部左侍郎以初彭齡爲刑部右侍郎○乙

丑命續修大清會典○甲午諭軍機大臣等此時額勒登保已帶兵前往川北一帶該處尚有李彬等股分竄勒保已馳赴川東惟

賊匪雖已截回川境仍恐其乘間折回目前陝境防堵最關緊要慶成係陝省提督大員自應在陝堵剿不必令其赴川此路陝省

邊界一切防堵事宜即責成慶成慶薄實力防堵○乙未永定河二十三號壩工合龍○戊戌諭本日常安奏前赴馬家堡查勘汕

壩民舍情形一摺該處因永定河二十三號壩工堵合後大溜全注北上頭工水勢湍激衝汕村舍明安已派參將奇成額將馬家堡迤西淤灘一段趕緊挑挖俾水勢直洩歸河所辦本是朕披閱時已依議發下面本日召見諸臣內未及明安旋據奏事大益王進福奏稱明安遲擢時向伊告知若本日未蒙召見即代奏稱伊尙有圖樣進呈等語此不過欲請面對耳明安既有圖樣何難隨

摺呈遞伊前此會因奏事將圖樣另置懷中於召對時呈出非止一次本日未經召見之前豫屬奏事太監應時代爲陳奏是明安之意必欲朕召伊獨對而後已此誠何心豈非以和坤自居乎朕每日召見臣僚多至十餘人諮詢利弊講求政治從不稍形厭倦而惟於自請獨對一事力爲杜絕首蓋因請見之弊不可勝數雖所奏亦不過尋常事件而即可藉此以炫其書注之隆甚且飾詞誇耀捏稱在上前無不可進之言遂至無識之徒爲其所愚爭相趨奉勢焰熏灼賄賂盈門皆由於此從前和坤福長安柄用其初亦尙知小心後因該班獨對習以爲常漸致納賄營私無所不至朕在青宮時即洞悉此弊是以親政後將該班召見晚面繫行停止並節次降旨嚴禁大臣等不得自請獨對明安甯不知之乃竟敢於朕前巧爲嘗試乎至向來各衙門陳奏事件俱由外奏事呈遞惟軍機處內務府奏摺徑交內奏事進呈明安雖在御前行走而本日所奏挑戈馬家堡淤難保步軍統領衙門之事自應交外奏事接遞乃直交奏事太監並將所懷圖樣豫行屬託代奏意在請見邀榮藉以炫耀此風斷不可長明安見係步軍統領本任之事較繁不能時常趨直見又有獲咎之處若退出御前乾請門專辦步軍統領衙門及本管各事件仍交兵部議處以爲希冀獨封有心取巧者戒此係朕防微杜漸爲國家成就人才至意乃明安之福不至如和坤之潰敗決裂也奏事太監王進福於不應接收之摺冒昧呈遞又代爲陳奏圖樣亦屬不合著交軍機大臣議罪○己亥以河南召募練兵增設副將將遊擊都司守備千總把總官○庚子論慶傑等奏查勘銅苗情形一摺前據明安等奏大興縣民人張士恆等呈稱平泉州屬四道溝雲梯溝等處有銅苗透出請自備工本開採等語朕卽知其事不可行又涉言利是以未卽允准特降旨令慶傑等查奏茲據慶傑等奏稱查勘雲梯溝地方係喀喇沁王滿珠巴咱爾名下山場舊有洞口四座係民人竊盜該處銅苗甚覺微細又四道溝地方舊有洞口一座亦係民人竊盜該處銅苗較旺但不知能否經久請令試採等語該二處山場久經封禁見在詳悉查勘亦未見實有可以開採之處其事斷不可行蓋開採俱係無業游民攢湊資本互相邀集趨利若鶩竈已聚集多人而銅苗漸竭彼時何以遺散豈不慮其滋生事端卽或開採獲利而該處地方與蒙古山場相連使蒙古等疑內地官民專爲牟利起見於國體殊有關繫况見在戶工二部鼓鑄事宜需用銅斤照例由滇省起解運京儘屬充裕本無須另籌開採何必輕爲此舉耶所有平泉州屬四道溝雲梯溝等處產銅山場新舊洞口俱著永遠封禁不准開採並責成地方官嚴加查察毋許再有私行偷挖之事朕自親政以來屢經諭止臣工不准言利而內外臣工實心確信朕言者固多然心存觀望猶豫者不少彼意總以爲決不因言利獲咎卽衆議處申飭聖意總覺能事後必見好是直不以朕爲賢君視爲好貨之主矣諸臣何苦必欲以此嘗試耶上年胡季堂有奏請在直隸大名地方開設鉛廠一摺朕未經批發查勘卽不准行本年明安先有奏請開採木植之事此次又率據該商人所請奏開銅礦謂言利而何在商民等無知見小計及錫銻而明安卽擬以入奏此必輕聽屬員慫恿而成明安受恩深重自不應有冀圖沾潤情事然亦不可不防其漸而該商等具呈懇請時若非於所屬員弁及書史人等展轉賄求何能遽將所請之事達於明安代爲奏請此種情弊豈能逃朕洞鑒乎

嗣後臣工等惟當洗心滌慮毋得輕啓利端假公濟私妄行瀆奏將此旨遍諭中外知之○定管理戶部三庫事務大臣按年更換
例○以萬甯爲左副都御史由通政使遷○王寅諭兵部議處明安請照違制例革職一摺朕簡用臣工惟視才具之優否初不豫設成

見其年齒老成請練庶務者目堪倚任而少年明幹者亦未嘗不因材錄用以試其能如果始終勤奮辦事實心則年力方富效用
之日正長國家更久資得力豈不甚善即如明安從前在御前乾清門行走時朕見其差使尙勤小心謹慎是以於布彥達賁病

故之後出有步軍統領員缺特加恩將明安補授明安接任以來於本衙門事務亦尙能照常辦理惟少年喜事頗露高興日前會
經奏請開採木植啓挖銅苗等事皆涉於言利輕聽屬員懇懇違不如布彥達賁之安詳鎮靜昨又於陳奏挑戈馬家堡淤灘摺件

將所擬圖樣豫屬奏事太監代奏意在請見得選獨對以炫其眷注之隆顯違節次嚴禁請見諭旨即照部議革職亦屬咎所應得
姑念明安所得公籌原係世襲而於管理步軍統領諸務尙無貽誤著加恩賞留公簡兼管步軍統領衙門及上駟院事務仍帶革

職留任其所管正紅旗蒙古都統及三山暢春園火藥局崇文門稅務總理工程處嚮導處盡行革退開缺另行簡放以爲大臣輕
率取巧者戒

冬十月甲辰朔諭昨日御史張鵬展奏光祿寺少卿金光梯辦理秋審錯至九十餘案不應留部當即降旨令刑部堂官明白回奏
茲據董誥等奏稱金光梯在部有年升任時正值覈辦秋審緊要之際是以奏請留部並非該員干求繼機至本年秋審案件並無

錯謬惟總辦處看出廣東省黃冊疏漏錯落九十餘處俱經籤改繕正等語刑部爲刑名總匯之區若覈辦秋審事務錯謬至九十
餘案之多則總辦之員自難辭疏率之咎今既查明係原辦司員字畫錯誤經總辦處看出業經該堂官將承辦各員記大過一次

已足示儆至金光梯在部年久該堂官懇請留部雖係爲熟手起見但平時廷臣中有在朕前論及金光梯大率毀譽少而朕於
召見時留心察看金光梯應對未能明晰亦並非出色之員刑部司員爲數不少其中豈無一二明白諳悉律例之人可以接辦者

乎况司員升至京堂例不兼部行走縱暫時奏留迨漸次升提總須出部即如意照升任大理寺少卿軍機大臣奏稱不應兼軍機
章京上行走經朕因軍務將竣降旨該員暫留樞直乃係特恩若此後各部人員遇有升任京堂者該堂官紛紛效尤奏請留部豈

寬一槩准行耶光祿寺少卿金光梯著回本衙門供職不必兼部行走○以方維甸爲河南布政使兼丹陽山東按察使由通政使遷○
丙午諭據吉慶瑚圖禮謝啓昆奏粵東省公捐銀三萬兩粵西省公捐銀二萬兩以備凱旋賞賚之用等語所奏甚屬純懇敦匪滋

事以來節次派調東三省各營官兵分投勦辦所以除莠安良俾黎元均臻甯謐年來籌備軍需所發餉銀已不下萬萬動撥帑項
會不少爲斯惜即由外省支發者亦均屬應行解京款項初不因軍興需用浩繁稍有累及民間各省地方大吏自所深悉此時大

功將次告厥其凱旋賞犒需費幾何何待外省捐賞備用况朕屢經降旨嚴諭內外臣工不得稍涉言利蓋深有益於利國之事多
係病民即目前暫開捐例亦係不得已之舉見在工賑已畢軍務指日完竣即當飭諭停止朕躬行節儉爲天下先惟有休養生息

係病民即目前暫開捐例亦係不得已之舉見在工賑已畢軍務指日完竣即當飭諭停止朕躬行節儉爲天下先惟有休養生息

以期百姓康寧元氣日復漸臻上理焉有因年來度支繁費設法科斂以裨國用之理損下益上之舉朕斷不爲百姓猶朕之子焉忍剝削乃朕諄諄語誠至再至三而吉慶等猶不確信朕言竟思巧爲嘗試是直不以朕爲賢君視爲好貨之主矣非孟子所謂不教民大乎是耶且伊等借此捐輸之名派及兩省督撫司道勢必取之各府州縣各府州縣勢必取之百姓層層派累仍不過腹削閭閻所謂捐輸者初非出自己貲其名爲捐銀五萬而攤派之項懸不止此種種情形豈能逃朕洞鑒似此藉詞聚斂不特以小人之腹度君子之心意圖見好而其假公濟私巧爲自肥之計是於言利之中尤爲卑鄙不足道者也此端一開各省紛紛效尤成何政體吉慶瑚圖禮謝啓昆顯違前旨本應交部治罪惟念伊等三人素日辦事尙知認真姑從寬免付吏議著傳旨嚴行申飭以觀後效此項銀兩若尚未措辦即著停止儻已收齊亦即按每名下所出銀數全行發還該督等接奉此旨有將公捐之項勒捐不還經朕訪聞或被入呈告必將伊等按例治罪若地方官因此科派百姓即據實參辦儻伊等徇隱不奏一經查出併從嚴懲治決不寬貸將此通諭知之○諭軍機大臣等台布奏籌辦河南河北事宜一摺內稱蒙古強實爲中國之患蒙古弱乃爲中國之福以番制蒙誠爲良策數語甚屬錯謬我朝開國以來蒙古隸我臣僕重以婚姻聯爲一體青海地方蒙古雖非內外孔薩克可比亦不應稍有歧視雍正年間於該處設立辦事大臣本爲保護蒙古起見誠以番族雜居蒙古之外而蒙古實爲中國屏藩是以蒙制番則可以番制蒙則屬倒置矣設台布此語經蒙古人聞之豈不因而解體乎近因青海蒙古不能自強屢經降旨令其大加振作原欲使知激勵焉有番眾漸強轉聽其脅制蒙古之理台布從前曾在軍機處行走有年何不曉事體至此著傳旨申飭至勒定卡倫地方畫定界址不准番眾擅入蒙古擅出所見尙是惟番眾賦性蠢頑止當嚴加飭禁勿令入卡使之知所畏懼不必曲爲勸諭其蒙古等亦各隨時曉示不得擅行出卡儻有不肖之徒勾引番賊入卡偷竊者必當嚴辦以示懲儆再署同知姜有望素爲番眾信服前此帶領同往之番民尖木贊業經賞給花翎姜有望亦著一體加恩賞戴用示獎勵即責令該員妥爲安撫俾番眾永臻安帖不至搶奪滋事爲要○永定河漫工合龍○調陳鍾琛爲山東按察使策丹爲河南按察使○癸丑額勒登保奏生擒首逆辛斗僞總兵蘇啓志得旨嘉獎○乙卯撥廣東藩庫銀二十萬兩備湖北軍需○撥江西藩庫銀十一萬兩於陝西備賑○丁巳諭據左右翼前鋒統領等奏稱於本年十月十五日起率領各章京護軍等照例演習步圍等語我朝定鼎之初城外左近地方尙未徧行開墾猶有禽獸棲止是以會派官兵演習步圍藉以肄武今承平日久城外左近俱已耕種田畝並無長林豐草安有禽獸若仍派官兵行圍不過虛應故事而已朕綜理庶政惟在崇實不尙虛文各大臣俱宜實心實力督率該管兵丁按時操演以臻精銳何必務此虛文若拘泥定例演習步圍轉誤兵丁操練尤爲不可將此傳諭該管大臣等嗣後各營演習步圍一事著永遠停止○德楞泰奏職斃首逆龍紹周全股掃蕩得旨獎賚下部議敘○癸亥諭額勒登保於嘉慶元年冬間攻克湖南平隴賊巢曾經賞給侯爵並雙眼花翎三年春間苗疆事竣帶兵前往湖北因勦辦教匪遲延革去侯爵授爲伯爵又因擒捕首逆章加羅辦理遲緩革去伯爵

及領侍衛內大臣都統後復授爲經略大臣又因屢次殲擒首逆令添祿阮正澄龐洪勝伍金柱王廷詔高二馬五節經加恩復子
俊播遞封二等子爵賞還雙眼花翎數年以來所至之處身先士卒調度有方楊遇春等節次生獲渠魁皆係額勒登保分出兵力
調遣合宜故能所向克捷將十餘萬之賊殲除殆盡所餘僅十分之一見在川北地方惟李彬一股夥匪尚有二千餘人較之從前
擒獲各省逆股內人數亦相去懸絕目下額勒登保復帶兵前往通江一帶奮力截剿即日定可殲淨其另摺所奏軍務載定情形
及搜捕餘匪辦理善後各事宜皆與朕每日指示軍機大臣等意旨不謀而合具見額勒登保胸有把握籌畫全局悉中肯綮深堪
嘉獎額勒登保加恩晉封三等伯並賞給黃面貂皮馬褂一件俟李彬一股剿盡後再加懋賞德榜奏亦因平苗賊功賞給子爵雙
眼花翎嗣辦教匪在穀城殺賊千餘復賞用紫緞旋因追剿齊王氏姚之富等未能迅速將伊所得世職花翎紫緞革去自嘉慶
四年以後節次殲擒首逆冉文傳高均德楊開第徐國諤等而其功績最著者尤在截剿偷渡嘉陵江股匪生擒首逆冉添元保全
川西數百萬生靈至今該處民人無不感頌疊次加恩復遞封爲一等子賞還雙眼花翎本年又將徐添德龍紹周兩股剿賊全行
殲滅厥功甚偉著加恩晉封二等伯並賞給黃面貂皮馬褂一件此時川東惟湯劉二逆尚有二千餘人德榜奏見由夔州人山迎
擊勒保兩面夾剿即可盡數殲除俟湯劉股匪辦理完竣再當加恩優獎賽冲阿溫春在德榜奏一路帶兵剿賊凡德榜奏所得之
功伊二人俱協同出力雖疊次仰邀恩賞交部議敘尚未得有世職此次殲斃龍紹周係伊二人帶兵剿辦賽冲阿著加恩賞騎都
尉世職並賞給海龍馬褂一件溫春著賞雲騎尉世職並賞給黃面烏雲貂皮馬褂一件以示獎勵至軍機大臣慶桂董誥戴衡亨
數年以來承旨書諭尙能周到勤勉著加恩交部從優議敘成德本年甫令在軍機處行走亦著加恩交部議敘軍機章京章煦自
辦辦教匪以來所有軍營事件係一手繕辦是以節次加恩升擢昨因升用大理寺少卿軍機大臣奏明不應在軍機章京上行走
特降旨暫留並著加恩交部從優議敘其餘出力章京著慶桂等擇其尤爲勤慎者奏明交部議敘○甲子子近畿災民棉衣○乙
丑諭軍機大臣等本日吉慶奏事摺內另片密奏大功指日告竣善後事宜正需經費粵東存貯司庫明年買穀銀兩可以撥銀二
十萬兩解京備用等語所奏大屬非是各州縣額設穀石均應實貯在倉偶因歲歉平糶出借等項動用卽應採買補還其有價值
糧價昂貴之時不能按時採買恐州縣將買穀銀兩虧短那移是以提貯司庫已屬權宜之計一遇豐收年分立當買補足數不容
稍有缺額是廣東省司庫所存穀價卽與各州縣倉穀無異並非羨餘款項可以那動且據該督稱本年穀石已經採買還倉尙有
明年買穀銀兩此卽明年必動用之項斷無任聽州縣倉貯空虛不行買補之理若穀價俱已解京則來歲買補穀石又將動用何
項勢必勒令州縣設法採買而州縣勢必苛派閭閻成何事體况粵東係海疆要地倉儲尤應充裕以副邊需是寺覓在大功指日
告竣辦理善後事宜卽需費孔多亦豈肯沾沾言利爲此移東補西之計况該省七次提解各款已有數百萬今又率將存貯應行
存貯銀款解京在該督那移措辦卽可保其無假公肥己之意而屬員奉行不善其弊伊於胡底豈欲括盡粵省民間脂膏而後已

耶至所稱見開河工捐例未知上捐是否踴躍懇請密示尤可不必其意不過以新例報捐如不甚踴躍又將奏請在粵省捐封捐
職耳前因直隸被災較重工賑浩繁暫開捐例原屬不得已之舉自開例以來報捐人員已屬不少見在永定河決口業已合龍大
賑見經開放窮黎餬口有資極爲安靜俟工賑事畢即應停止捐例更無須臾計及吉慶惟當將該省應辦各事宜認真經理能
使洋面肅清吏治整飭即屬盡職不必爲此出位之思也○內寅論軍機大臣等英善福富奏接據哲孟雄來稟當即籌度檄諭緣
由一摺內稱廓爾喀喇特納巴都爾與噶箕等不和借披楞之兵與廓爾喀打仗等語此係伊等家事原可置之不問至哲孟雄係
邊外小部落從前曾被廓爾喀佔地方今見伊境內彼此構釁欲乘間借端復奪侵地故以通好爲名探聽消息並恐該處不令
入境希冀倚仗天朝聲威檄諭廓爾喀以遂其詭計至火藥係內地操演兵丁之用尤不應擅行請給英善等接到來稟即嚴切飭
數諭令該部長自爲酌量各守地方和睦鄰封所辦甚是惟當飭邊界漢番官處以鎮靜嚴密防守毋令滋生釁端爲要備哲孟雄
再行稟請仍應嚴行駁斥至廓爾喀境內構釁緣由總不必過問如續得該處爭鬭情形仍即行具奏○己巳諭刑部乾奏近因胸
氣喘逆精神驟形委頓恐致誤公請解任調理一摺刑部乾官聲素好自簡任封疆辦理地方公事均屬妥協今年老患病著准其
解任或回山西本籍或即在江省就近調理俟病痊來京另候簡用所遺安徽巡撫員缺著和甯補授即行來京請訓速赴新任其
倉場侍郎員缺仍著達慶補授達慶前任倉場時於辦理公務尚屬認真惟因各幫糧船挂欠漕米一節鄒炳泰以查嚴挂欠爲重
達慶以料理回空爲急以致意見齟齬均爲公事起見並非因私忿爭是以令達慶來京即命其署理禮部侍郎並授副都統茲復
用爲倉場侍郎務當與鄒炳泰彼此和衷期於漕政有裨儻仍各懷意見有心軟拗或致誤公則自取罪戾必當嚴行懲治其達慶
所遺右翼稅務著瑚圖靈阿管理○庚午免順天府積水未涸之文安縣明年額賦○王申諭軍機大臣等慶成奏生擒楊開甲之
子楊麟生及偽先鋒張文喜等所辦甚好此股賊匪首逆姓名向來總未據各軍營提過又據稱張魏兩小股先後東遁又西鄉
一帶兩股不知姓名零匪向西竄來可見川陝交界地方此等素未知名匪匪向多慶成係專派在陝境西北一帶防堵之員若
必待賊竄近始行勦辦則此股甫淨他股又來何時始能辦竣惟當隨時偵探何處有賊藏匿或分派將奔前往搜捕或親往督剿
使該匪等不能潛身山內以期搜捕淨盡至所稱接到慶成來信探聞忽有賊匪一二百人由老林突出向西逃竄慶成當知會慶
兵勇前往追捕一節此股賊匪雖止一二百人但向黑河一帶奔竄距甘肅地界不遠儻任其竄入甘境又形散漫慶成當知會慶
溥永明等務將此股賊匪截回陝境迅速殄除至此股零匪係從何處汛地衝出向西逃竄著慶成將防卡疏縱之員查明一併具
報經略參奏

十一月甲戌朔加賞五城賑米○乙亥諭御史鄒敏行奏請定觸犯父母發遣人犯不准援赦之例一摺此等匪犯向例皆不准援
赦嗣於乾隆六十年查辦發遣人犯欽奉 皇考高宗純皇帝特旨如查詢伊祖父母父母願令其回籍者即准釋回敬釋 聖意

子孫違犯教令其祖父母父母送官發遣或係出於一時氣忿及至子孫遠戍後未必不心存繫念是以 皇考特諭有仍顧子孫
回家者准其援赦係曲體天下爲祖父母父母者之心並非於曾犯忤逆之人稍有寬宥自當永遠遵行乃該御史摺內稱彼時
皇考因次年卽值歸政之期法外施仁尤屬措詞失體我 皇考矜慎庶獄六十年如一日此事特薄如 天之仁推而至於庶民
愛子之至情與歸政何涉該御史輒冒昧摺陳平至該御史既知以老治天下豈有 皇考欽定例條輕言更易之理所有觸犯父
母發遣人犯如過恩赦傳詢各犯祖父母父母有願伊子孫回家者仍欽遵 皇考諭旨准其釋回以符孝治天下之義儻赦回後
再有忤逆情形一經呈告卽當加倍治罪至前定父母已故准令釋回條例彼時軍機大臣等所議原未允協忤逆發遣之人若謂
伊父母已故不至再爲忤逆情事卽准釋回殊非情理况該犯等於親在時既敢於違犯失其歡心又妄望其有依戀壘墓之誠耶
此一條著卽刪去仍遵例不赦○丙子諭玉德奏稱李長庚心氣驕浮於提調官兵統轄全省水師之任未能負荷等語朕因檢查
李長庚前任水師總兵時歷年考語書驍任內卽詳敘該員捕盜出力並稱該處洋匪有竄過一千兵莫遇李長庚之語詞經朕細
詢該省京京人員僉稱果有其事而玉德兩次考語均稱其勇幹有爲調度有方爲水師出色之員本日玉德摺又稱其未能勝任
與該督兩次密陳考語顯係自相矛盾卽或李長庚近來性情改變該督知之既真何不早日參劾迨朕擢任提督之後方爲此奏
豈有甫經擢用因玉德一言卽將李長庚撤回之理玉德著傳旨申飭嗣後該督於所屬文武務宜秉公確覈詳慎密陳不得以一
時愛憎任意軒輊○丁丑召長麟來京以惠齡爲陝甘總督調和甯爲山東巡撫以李殿圖爲安徽巡撫姜開陽爲福建布政使蔡
廷衡爲甘肅按察使由蘭州道遷○戊寅賜姚大衛等五十四人武進士及第出身有差○己卯命侍郎高杞莫瞻豪疏濬通惠河○甲
申諭人君蓋正治官躬親庶政非勤無以率作興事整飭紀綱虛書所言一日二日萬幾者非必一二日之間果有萬事誠以幾動
於微若不隨機立應則一二日之曠廢卽萬事所由叢脞是以我 皇考臨御六十年敬 天法 祖愛民皆以勤政爲本凡殿廷
多以勤政顏額卽離宮別館辦事之所亦無不懸度兩字以昭 心法朕繼承 統緒夙夜勿違以 皇考之心爲心以 皇考之
政爲政實不敢稍自暇逸至於臣工膺股肱心膂之任尤當各揚厥職靖共匪懈蓋民生在勤勤則不匱君克勤則百度惟良臣克
勤則庶司無缺爲君難爲臣不易然人君獨理於上其任鉅人臣宣力於下其職分今日之六部卽本諸周官分設六卿之意兵刑
錢穀各有專司且一部之中又皆設有庶官共襄其事遇有公務更無難隨時商辦况近來各官部院大臣中並無以一人而兼數
任者尤不應於特交事件任意耽延乃前此交內務府議處膳房該管大臣章京等係十月初一日之事至十一月初十日始據議
奏竟遲至四十日延緩已極向來交議事件如果應詳查例案悉心定議者朕從不加之催促不但尋常事件期限較寬卽刑部速
議亦必予限五日或恐爲期過迫不能詳盡今內務府所議不過罰俸處分無須詳稽例案數語可了其奏摺不滿百字何至遲逾
若此由此類推其因循貽誤之弊伊於胡底近來各部院衙門亦均不能免堂廉至近見聞親切各衙門辦事尙尙意弛則督撫等

分駐各省更易疏懈或於應辦事件藉口行查經年累月尙未完結其廢弛積習尤爲年不可破嗣後內外各衙門務當體厥夕惕朝乾勤求治理至意振作精神共相勸翼俾吏治蒸蒸日上毋得徇於晏安致干咎戾再近日諸臣中偶經朕頻頻召對即以爲眷注優隆心存高與在朕前議論風生或閱時未經召見在朕並非有心而伊等輒妄生疑懼以爲前此奏對時未能稱旨遂爾一味緘默即經朕面詢亦喃喃不出諸口卽如明安前任侍郎時朕見其人尙謹飭加恩用爲步軍統領卽即意存自滿每遇召對一次陳奏不下十餘事又欲希圖獨對誇耀於人經朕嚴行訓飭從此於本分應辦之事亦不敢具奏是全不知以公事爲重惟以揣度迎合爲能豈大臣居心之道殊不思恩眷之隆替全不係乎召對之疏密如軍機大臣每日皆有事召對並有一日而召見數次者豈遇有獲咎之處亦不加譴責乎若外省大吏皆數年陛見一次並有未曾來京見面者其居官賢否朕無不稔知如果政績卓著實心任事朕何嘗不頻加擢用乎大臣公忠體國總當一意對君盡心公事知無不言言無不盡不但毀譽榮辱早應置之度外果有神國是卽身家禍福亦所不計方爲純臣事君之道況此等實心爲國之臣朕方獎擢之不暇亦豈有因公獲罪累及身家之理乃近日風氣見有一人不避嫌怨獨秉公論者眾人不以爲持正而轉相非笑致沮其忠謹之氣若人人容默自全必致漸成叢蔽雖堯舜在上欲明目達聰亦不可得况朕德薄識淺再加以諸臣不實心任事一味摸稜觀望實深懷畏本日召見軍機及各部大臣面加訓諭其各交相儆勉無怠無荒共襄邦治朕實有厚望焉將此通諭中外知之○諭琅玕等奏審訊伊桑阿驕縱勒索及勦辦苗匪並未親赴石硯軍營提飾具奏各款屬實定擬斬候一摺所稱伊桑阿在貴州巡撫任內斥辱屬員騷擾驛站修造壽房不發價值以扣繳養廉爲名令各府幫貼銀兩及縱容家人等違威作勢索取屬員門包各款此猶罪之小者而其最重之罪則係辦理石硯苗匪時並未親赴軍營竟敢誑詞入告有心欺罔亦已據伊桑阿供認不諱若伊桑阿止於性情乖張貪黷營私雖罪亦難寬尙屬事所常有至其誑報邀功一事前據伊桑阿揭稱常明攻克石硯時伊親從銅仁趕到前敵傳諭各將弁四面兜圍並稱親見山梁上有執旗指揮苗目伊卽傳令帶兵各員向執旗之人指定放槍立時殲斃等語真似身行在行間應恩如槍彼時據所奏情形自應加之恩獎是以降旨交部議敘朕豈肯豫料伊桑阿全係誑詞先存送詐儼不信之見况朕辦理外省庶務惟憑各督撫奏章隨宜指示若於督撫陳奏到時卽疑其不實豈朕推誠待下之理是朕實不忍以不肖之心待人伊桑阿竟敢以毫無影響之事公然欺朕乎軍營虛誑報功最爲惡習然或不係親身督戰得有勝仗因而虛報首功裝點情節已屬相沿錮弊爲朕所深惡數年來力加整頓各路軍營奏報卽難保其無一字粉飾諱未有敢於將無作有憑空捏造者伊桑阿在京時豈不知朕於軍情務期覈實輒以身嘗試乎若各督撫相率效尤以誑奏爲得計是朕宵旰勤求庶務所謂事事認真者全係枉費心力將何以用人行政耶且伊桑阿初放貴州巡撫時會面奏請將養廉扣繳貼項並稱受恩深重卽全數扣繳到任後亦不敢因辦公不敷營私敗檢情詞真切幾於指天誓日惟祈俯允所請彼時朕卽念及若將伊養廉全數扣繳恐辦公不敷是以止准扣繳一半伊桑阿當卽叩

頭感謝並稱得以保全其廉乃一經到任卽向首府程煜等告以用度不足勒索幫助是其挾詐面欺亦非僅貪污婪索可比朕前於伊桑阿陛辭出京時諄諄訓誨但恐其任性妄爲復萌故態初不料其有操守不端之事甯復料其膽大欺上一至於此此而不廠加懲辦何以飭綱紀而正人心伊桑阿之罪論其貪污婪索較舊綱爲輕論其罔上欺君比魁倫更重自應按律擬斬請旨卽行正法琅玕等特因朕年來辦理庶獄有不准從重之旨是以照例問擬斬候卽發交部議亦必照覆但其情罪重大若特行降旨予以立決轉似較常例加重見據琅玕奏稱伊桑阿染患瘡毒尙未痊愈若久禁囹圄或因病自斃卒逃顯戮實屬不成事體且伊桑阿所犯情罪俱已一一供吐更不值俟解京審訊後始行正法伊桑阿著改爲絞立決派乾清門侍衛孟佐往刑部侍郎瑚璉阿馳驛迎赴前途於伊桑阿解到地方不拘何處旅寓卽帶同地方大員及原解官員將伊桑阿立卽處絞以爲甘心欺君不顧性命者戒其餘琅玕等摺內所擬長隨盧慶等罪名著交刑部覆擬具奏並將辦理緣由宣示中外至見在各路軍營經朕節加訓飭自不應稍有虛捏但此時功屆垂成恐伊等欲圖迅速成功稍存草率不免又萌粉飾之念僅所奏情形稍有不實關繫重大並著傳諭各路帶兵大員於奏報軍情務期確實當以伊桑阿爲前車之鑒○諭軍機大臣等琅玕等奏會審伊桑阿貪縱欺罔各款定擬斬候一摺已明降諭旨將伊桑阿卽行絞決並宣諭中外矣琅玕身爲總督於伊桑阿在巡撫任內驕縱勒索各款業已得其確據卽應早爲參奏乃琅玕並不明列彈章惟向同僚初彭齡告語其賄徇之咎實屬難辭卽伊桑阿詐報邀功之處亦難諉爲不知朕因琅玕在石硯地方搜捕苗匪尙爲迅速是以前此僅將伊降爲二品頂戴拔去花翎以示薄懲嗣後該督辦理一切事務惟當一秉至公以伊桑阿之欺飾爲戒再貴陽府知府程煜於伊桑阿勒派幫助一案業經革職但朕聞其平日官聲尙好且程煜既據該督訊明並無餽送銀兩情事其許向各府轉商幫助實迫於伊桑阿之催催尙有可原著琅玕將程煜在知府任內居官如何之處出具切實考語據實查明具奏送部引見候朕再降諭旨○丁亥諭軍機大臣等吉慶等奏洋盜滋擾添保攜眷內投並將繳出安南印就進呈據摺內稱陳添保因捕魚遭風於乾隆四十八年經阮光平擄去封爲總兵等語可見積年洋盜滋擾皆由安南窩留所致卽阮光平在日已將內地民人擄去加封偽號縱令在洋劫掠阮光平身受 皇考重恩如此喪心喪理實非人類今聞該國僞詔內有視天下如一家四海如一人之語尤屬夜郎自大若論其種種狂悖本應聲罪致討惟該國見與農商携兵轉不值乘其危急加以提伐揆諸天理該國滅亡亦在旦夕更無庸以文語化誨亦毋庸給予照會所有印就等件見令銷毀該督等惟當嚴飭將弁巡緝各洋遇有安南盜匪竄入立即拿獲懲辦其投出之陳添保並家屬夥盜等卽照該督所請於海洋較遠之南雄府地方分別妥爲安插仍不時嚴密稽查毋令出洋滋事○戊子額勒登保奏督勸通江一帶殘匪擒獲僞元帥冉添瑛賊目龐思宇等得官獎資○己丑撥兩淮運庫銀四十萬兩分備陝西四川軍需○辛卯翰林院奏向來保送御史部屬翰林各爲一班部屬記名無人卽保部屬翰林記名無人卽保翰林後以部屬壅蔽先儘補缺係因一時調劑並非著爲定例今吏部以記名人員將次用故行文各部

院保迭查緝檢見在合例者僅十員若照上屆保送八員六員則不就邊選若止保二三員則將來御史中部屬多翰林少不足以昭平允可否仍照舊例定爲分班陸續保送兩不相礙旋邊選亦昭慎重得旨允行○王辰以三省教匪漸次蕩平命增移要隘營伍以資控制○移湖北總安府營守備駐隨州隨州營千總駐德安府○莊敬和碩公主下嫁科爾沁郡王額駙索特納木多布齊○癸巳諭都察院奏張伯行之曾孫張裕平應否與在京賢良祠後裔一體查辦一摺上年諭令八旗都統及各督撫查明入祀賢良祠子孫送部帶領引見經吏部查照定例將從前付奉 特旨入祀在京賢良祠之子孫接名查辦其外省題請入祀本處賢良祠者案未列入蓋因各省名宦鄉賢等祠本與在京賢良祠有間雍正年間特降 諭旨令外省各建賢良祠將文武大臣公忠正直勳節昭著者地方官員奏入祠歲時享祀此實我朝崇獎名臣恩加無已至意張伯行在雍正年間居官清正剛於乾隆六年經該省撫臣題請入祀江甯賢良祠已足表其清節至於查辦賢良祠子孫帶領引見殊思曠典自有限制部臣以會奉 特旨入祀在京賢良祠者爲斷尙屬平允所有張伯行子孫無庸帶領引見將來外省如有似此者均一體遵辦○諭軍機大臣等軍務卽日告厥其善後事宜內惟安插鄉勇最爲緊要川陝楚地方遼闊儘有官山未開荒地與其爲客民占據何如撥給鄉勇令其自安耕作此外如有可興之利不妨奏明辦理如川省銅鹽等項或有可以借資民生無礙於官而有便於民者各就該省見在情形量爲措置○撥廣東商捐銀十三萬兩有奇備陝西軍需○甲午諭軍機大臣等吉慶等奏安南保樂州夷人農福遠對同農耐與阮光續打仗見在三路進攻黎城等語安南地方被農耐屢次奪取茲復進逼黎城看來阮光續未必能保有境土但外夷彼此搆兵與內地無涉吉慶等當持以鎮靜不必過問止須防令內地各邊嚴加防範並密爲偵探如安南爲農耐所併阮光續散關請命或農耐占踞安南之後具稟到粵彼時吉慶等將實在情形卽行奏聞候旨辦理○乙未諭軍機大臣等此次李彬及劉朝選湯恩蛟等股經官兵追擊所獲均不過四五百人勢極殘敗而七十五所勒勒逆轉增至二千餘人賊匪又得從容裹脅是七十五竟全不足特額勒登保等僅於措內隱約其辭未免意存隱顧著額勒登保等查明七十五沿途如何逗留或因舊病復發行走遲遲不能趕上賊匪均屬七十五之罪卽行據實奏奏又據奏疏防甯羌匪之遊擊正自祿僅請摘去頂帶一節亦屬寬縱正自祿著革職作爲兵丁留營效力贖罪至慶成慶博等於西竄賊匪相距較遠且能奮力剿捕其處分自可寬免但額勒登保等大兵見在追剿苟逆一股僅該逆被剿緊急或致折回陝境不可不豫爲防範著額勒登保等傳知慶成慶博於陝省邊境嚴密防堵設有竄回之賊務須迎頭攔剿若防範不嚴致令竄入陝境則惟伊二人是問○額勒登保奏擒首逆高見奇僞帥周萬友等得旨嘉獎○湖北巡撫全保等奏進剿戴家營賊匪殲擒僞軍師鄭三元僞元帥褚貴等得旨獎賞全保長齡下部議敘○己亥升四川達州爲縣定府太平縣爲太平廳直隸同知太平營爲太平協並增移廳營員缺

公等馬殿地誠其無馬匹牧放者令官爲開墾給租○丙午以唐桑爲內閣學士由太常寺卿遷○丁未諭前蒙 皇考高宗純皇帝特降

諭旨令軍機大臣會同部旗將國初以來殉節諸臣未經得受世職者查明賞給恩騎尉世襲門替仰見 皇考崇獎盡臣推恩

後嗣實爲異數隆施乾隆六十年先經軍機大臣等將在京八旗從前殉節諸臣查奏一百四十餘員補行賞給恩騎尉世職茲又

據軍機大臣會同兵部將數年以來各省陸續咨到從前殉節諸臣九百九十餘員查明開單具奏朕詳覈諸臣事蹟俱能抗節效

忠成仁取義允宜實延於世用示褒嘉所有軍門各該員子孫均著加恩補給恩騎尉世襲門替惟念該世職等承襲之後若照例

縣令分發標營學習其中或有未能諳習弓馬操防者轉非成全之意所有世職人員著加恩凡遇承襲時在各本籍地方具呈分

別咨部除情願入標學習當差者仍照舊例支給俸餉外其有願應文試者即以本職頂帶作爲文生員願應武試者即以本職頂

帶作爲武生員准其一體應試嗣後各倉凡遇應襲恩騎尉世職均照此例辦理○癸丑定四川打箭爐稅額○田寅截留湖北帶

徵漕米四萬七千石備軍糧○乙卯諭前日吏部請簡內閣侍讀學士一本例應輪用郎中一員將各部郎中按覈食俸年分開單

進呈朕閱單內各員俱非素所稔知因黃永沛列名居首資俸較深是以備用今據御史游光輝奏稱黃永沛未經保舉京堂又係

捐班從前俸滿時該堂官會定爲不勝外任恐其人少所表見並稱資格之說吏部以之選官則可皇上以之用人則似未可等語

殊屬糾纏國家用人才行與年勞並重本無偏廢資格之理凡遇開列請簡各員朕豈能偏識其人自不得不按其資俸量加擢用

此次吏部本內如果將不應開列人員蒙混廟入或將年俸深淺任意倒置游光輝自應據實參奏若黃永沛平日或有別項劣蹟

游光輝見聞果確亦可列款彈劾乃該御史並未識黃永沛其人僅以係屬捐班遂謂不應簡用試思應簡 皇親所用李衛 皇

考所用李世傑何嘗非捐班出身而歷任封圻政績卓著朝廷立賢無方豈得謂以資入仕者之竟無人才耶又該御史摺內稱作

請學士升轉小九卿數年之間內爲侍郎外爲藩臬若徒取備員何以仰副任使尤爲警政各部司員升轉小九卿後凡復日奏事

之期經朕隨時召見必察其才具實在可用者方予拔擢豈有不論賢否但循資按格郎內用卿貳外用藩臬乎乃該御史所奏竟

欲於國家用人大柄持其短長又與前次御史王蘇之劾奏平恕不應簡放江蘇學政相等明季科道惡習往往朝廷用一大僚輒

交章攻擊伐異黨同最爲言職之玷方今網紀肅清豈容以此嘗試游光輝妄逞臆見阻撓國是非尋釁事失實可比著交部議

處○己未諭吏部奏議處御史游光輝請照溺職例革職一摺昨游光輝陳奏以朕用人不當備照資格且稱黃永沛一員伊素不

知其人豈皇上有所賞拔耶豈大臣保薦耶抑係僅循資格耶詞意狂妄竟欲干與用人大柄朕鑒已極國家序進官僚自有定制

部臣循例請簡原當按其資格開列具題朕自必將資俸在先之員量加擢用徐試以事原不皆然所奏悉之人若如該御史所奏

果廢資格而不論迥有偏放必須朕素所稔知則百衛臣工豈能彀行識認勢必將藩臬舊人舉予錄用轉私而不公况藩臬舊人

焉能備內外百官之選豈該御史不知之人遂不可任用游光輝自思伊由翰林擢任御史又豈素有表見仰邀賞拔今乃欲朝廷

靈廟資格而不用有是理乎如果部臣開列意爲高下或該員簡用之後另有劣款科道等原當據實糾參今甫經擢用卽具章阻抑是用人之際科道等皆持其短長此風斷不可長且朝廷量能授官亦難保其必無一雷卽如簡放大僚或其平日曾獲咎咎或偶有不檢之處若皆索垢求瑕必致彼此文章攻擊百計阻撓成何政體游光釋率意妄言本應部議革職但念伊究有言責此時若將伊罷斥在游光釋矢口妄言原無足惜誠恐科道等因此遂自甘緘默於言路殊有關繫游光釋著加恩改爲降三級調用嗣後科道等於應奏事件止當據實直陳不得因游光釋鐫職相率齟齬但必須秉公詳慎若有似游光釋之阻撓國是干與非分者必照例治罪不能再遷恩賞○撥兩淮商捐銀二十萬兩備四川軍需○癸亥諭劉清在川省有年聲名素好經朕加恩擢至道員嗣因冉沛元股匪由太和嶺地方竄過潼河劉清係屬總巡疏於防範實有應得之咎是以將伊降參知縣但彼時劉清會經稟明駐倫欲將貴州兵丁留於潼河一帶防堵因駐倫不准所謂賊匪得以乘間偷渡亦非劉清漫無籌畫所致該員自降補後在川北一帶管領鄉勇防守地方屢著勞績前已開復原官茲有道員缺出自應儘先補用劉清著加恩補授建昌道以示獎勵○戊辰汪志伊因病解任調李殿圖爲福建巡撫以王文璧爲安徽巡撫調汪日章爲江蘇布政使以先福署江甯布政使由光祿寺卿遷○己巳諭據禮部奏朝鮮國貢使曹允大等齎貢至京另齎奏本一件鈔錄進呈該國王以冲年歲封奉職屏藩適該國邪匪糾連謀爲不靖即章聖臣工殄除魁黨密議國都並將辦理頗未臚章入告所奏已悉惟本內所稱邪黨金有山黃沁王千喜等每因朝京使行傳書洋人潛受邪術等語此則非是京師向設有西洋人住居之所止因洋人素通算學令其推測躔度在欽天監供職從不准與外人交接而該洋人乾爲來京咸知奉公守法百餘年從無私行傳教之事亦無被誘習教之人該國王所稱邪黨金有山等來京傳教一節其爲妄供無是自係該國匪徒潛向他處得受邪書展轉流播及事發之後堅不吐實因而捏爲此言殊不可信該國王惟應嚴飭本國官民欽崇正道勿或異端自不至滋萌邪惡至所稱餘孽或有未淨恐其潛入邊門所慮亦是已降旨飭令沿途大吏一體嚴查設遇該國匪徒潛入關隘一經盤獲卽發交該國自行辦理以示朕撫輯懷柔至意著禮部將此旨行令該國王知之○辛未謝明亮從前在立川等處合辦屢次效力嗣遣往湖北剿辦教匪亦向奮勉後因追擊竄匪曠日持久是以將伊革職治罪尋又遣往湖北追捕徐添德一股逆匪飭次擒獲賊目職除賊匪加恩給四品頂帶補授宜昌鎮總兵本年因舍伊年邁有病乘騎雜艱諭令來京賞給二等侍衛令在乾清門行走今聞患病狀心深爲軫念兩亮著加恩賞給副都統銜仍任在乾清門行走令其安心調養俟病痊再行供職○壬申額勒登保等奏剿辦通江賊匪荷文明新德多名獲賊目等語朕等得旨獎賞○是歲朝鮮邊界來貢會計天下民穀數各省通共大小男婦二萬九千七百五十萬一千五百四十八名口各省通共存倉米穀三千四百八十八萬三千八百七十九石四斗一升七合九勺

二萬件○

復謁裕

岱前赴該

誠基秉公

誠基由驛

務惟素聞

會再四堅

地方事件

責任今周

官員畏其

自應潔己

勅周興岱

同入立罷

無殺可省

按省分宜

助路費

開卷嗣後

有私行餽

午召保甯

字經過涿

二十名○

諭軍機大

科治還界